



REPUBLIKA E SHQIPËRISË

BASHKIA ELBASAN
KESHILLI BASHKIAK
KOMISIONI I ARSIMIT
KOMISIONI I ARSIMIT

RAPORT VENDIMARRJE

Nr.1, Datë 25 /04/2024

Lënda: Vendim për shqyrtimin e projekt-vendimit nr.....datë,03.2024 “Plani i Përmirësimit të Arsimit Parashkollor”

Drejtuar: Këshillit Bashkiak Elbasan

Hyrje

Ky projekt-vendim paraqitet nga Drejtoria e Pergjithshme Kujdesit Social, Arsimit dhe Rinise, Sektori i Arsimit Parashkollor, dhe ka për qëllim:

BAZUESHMERIA LIGJORE DHE VOTIMI	Ligji 139/2015 “Për Vetqeverisjen Vendore” datë 17.12.2015, i ndryshuar, Rregullores së Pergjithshme te Këshillit Bashkiak dhe Rregullores së Konsultimit Publik. Ky projekt-vendim bazohet në nenin 54 të ligjit 139/2015, pika “k”. Votimi që kërkohet është me shumicë thjeshte me 50+1
SITUATA AKTUALE E FUNKSIONIT	Në vitin 2015, gjatë periudhës së ndryshimeve politike në Shqipëri, u ndërmorën reforma të rëndësishme që preknin strukturën e Bashkive në vend. Këto ndryshime organizative sollën krijimin e 61 Bashkive të reja, duke sjellë me vete sfida të shumta administrative dhe organizative. Këto transformime u realizuan në përpjekje për të decentralizuar më tej pushtetin vendor dhe për të përgjigjur më mirë nevojave për zhvillim dhe mirëqënie sociale dhe ekonomike në nivel lokal. Në lidhje me arsimin parashkollor, Bashkia Elbasan mori përsipër përgjegjësinë për zbatimin dhe përmirësimin e këtij sektori në territorin e saj. Pas një eksperience pune tetë vjeçare në ofrimin e shërbimit të Arsimit Parashkollor, tashmë duke njohur mirë nevojat dhe sfidat, Bashkia Elbasan ka punuar ngushtesisht me Projektin Bashki te Forta për një plan të qartë afatmesëm për përmirësimin në vijim të shërbimit për të adresuar nevojat dhe sfidat në kopshte. <u>Qëllimi</u> i planit është të përmirësojë cilësinë e arsimit parashkollor në Bashkinë Elbasan, duke përfshirë

përmirësimin e infrastrukturës së kopshteve, zhvillimin e burimeve njerëzore dhe krijimin e një databaze efektive për menaxhimin e strukturave të arsimit parashkollor. Plani synon të harmonizojë aktivitetet në një vizion të përbashkët dhe koherent, duke përfshirë bashkëpunimin me prindërit dhe komunitetin.

Plani i Përmirësimit të Shërbimit për Arsimin Parashkollor përqendrohet në Proceset e Menaxhimit të shërbimit në arsimin parashkollor, me qëllim përmirësimin e cilësisë dhe organizimit efektiv.

Planifikimi dhe kontrolli i cilësisë janë thelbësore për këtë qëllim, duke përfshirë planifikimin e numrit të fëmijëve në kopshte dhe vlerësimin e infrastrukturës së nevojshme. Objektivat kryesore të planit përfshijnë rritjen e regjistrimeve dhe frekuentimit në kopshte të vajzave dhe djemve, fuqizimin e strukturave të kopshteve dhe sigurimin e një shpërndarje të barabartë të fëmijëve. Në një periudhë tre vjeçare, Plani prezanton sfidat dhe mundësitë specifike të regjistrimit të fëmijëve, duke përfshirë nevojën për të identifikuar nevojat e komunitetit dhe për të përdorur teknologjinë për të përmirësuar menaxhimin e të dhënave. Lista e aktiviteteve përfshin projekte si punësimi i specialistëve për arsimin parashkollor, vlerësimin e brendshëm kopshteve, themelinin dhe funksionalizimin e organizmave të institucionit arsimor si bordi i kopshtit, këshilli i prindërve, Komisioni i Shëndetit, Sigurisë, Mirëmbajtjes dhe Mjedisit, si dhe organizimin e aktiviteteve të përbashkëta me komunitetin dhe prindërit për të përmirësuar shërbimin.

Plani i Përmirësimit të Shërbimit synon të adresojë Proceset Kryesore dhe të përmirësojë shërbimin për fëmijët në nevojë për përfshirje sociale, mbrojtje dhe ata me aftësi të kufizuara në kopshtet publike të Bashkisë Elbasan. Qëllimi kryesor është të rritet identifikimi, vlerësimi dhe trajtimi më i mirë i këtyre rasteve në mënyrë që të sigurohet një shërbim cilësor dhe i plotë për fëmijët në nevojë.

Për të arritur këtë qëllim, plani ka disa objektiva të përgjithshëm, si rritja e identifikimit të rasteve të fëmijëve në nevojë për përfshirje sociale, mbrojtje dhe me aftësi të kufizuara, si dhe përmirësimi i procesit të menaxhimit të këtyre rasteve. Në mënyrë specifike, për të adresuar nevojat e fëmijëve me aftësi të kufizuara, plani synon të përmirësojë procesin e diagnostikimit të



REPUBLIKA E SHQIPËRISË
BASHKIA ELBASAN
KESHILLI BASHKIAK
KOMISIONI I ARSIMIT

tyre dhe të sigurojë infrastrukturë të përshtatshme në kopshte për t'i bërë ata të aksesueshëm.

Në të njëjtën kohë, plani përfshin ndihmë të përditshme për të gjithë fëmijët në nevojë, përfshirë mbështetje ushqimore, trajtim psikologjik, si dhe ndërhyrje ligjore në rastet e nevojshme. Përveç kësaj, synohet edhe hartimi dhe zbatimi i politikave të mbrojtjes së fëmijëve në institucionet arsimore dhe përmirësimi i bashkëpunimit mes strukturave të shërbimit social të përfshira për të garantuar një trajtim të drejtë dhe të efektshëm për të gjithë fëmijët në nevojë.

Planifikimi dhe zbatimi i Proceseve Mbështetëse në Planin e Përmirësimit të Shërbimit për kopshtet publike të Bashkisë Elbasan është një pjesë kritike e përpjekjeve për të siguruar një mjedis të përshtatshëm dhe cilësor për fëmijët. Këto procese janë themelore për arritjen e qëllimeve të përcaktuara, duke përfshirë trajnimin e stafit, përmirësimin e infrastrukturës së kopshteve dhe sigurimin e materialeve didaktike. Qëllimi i Proceseve Mbështetëse është të ofrojnë mbështetje efektive për proceset kryesore të shërbimit në kopshte. Këto përfshijnë aspekte të rëndësishme si edukimi, siguria, zhvillimi dhe aksesueshmëria për të gjithë fëmijët.

Objektivat kryesore përfshijnë plotësimin e standardeve të vendosura nga ligji për stafin e kopshteve, rikonstruksionin e godinave të kopshteve për të përmirësuar infrastrukturën dhe sigurimin e materialeve didaktike për të përmbushur nevojat e zhvillimit të fëmijëve. Është parashikuar trajnimi i stafit për situata emergjente dhe për përdorimin e teknologjisë së informacionit, nëpërmjet bashkëpunimit me agjencitë përkatëse për sigurimin e trajnimeve të nevojshme. Në planifikimin e nevojave për materiale, është parashikuar hartimi i një liste të unifikuar të materialeve didaktike për të siguruar një standard të përshtatshëm për zhvillimin dhe edukimin e fëmijëve në kopshte.

Aktiviteti i parë për zbatimin e Planit do të jetë identifikimi dhe vlerësimi i nevojave për rikonstruksion/rinovim të kopshteve, duke përfshirë rikonstruksionin e tualeteve, rinovimin e ambienteve të brendshme dhe të jashtme, si dhe sigurimin e materialeve të nevojshme për këtë qëllim.

	<u>Këto masa synojnë të sigurojnë një mjedis të sigurt, të përshtatshëm dhe cilësor për të gjithë fëmijët, vajza e djem, duke përbushur nevojat e tyre të edukimit dhe zhvillimit në mënyrë efektive.</u>
SITUATA FINANCIARE (Impakti financiar, shtesa pakësime në buxhet)	Te gjitha kostot e planit do te llogariten ne muajt ne vazhdim dhe do te pasqyrohen ne pogramin buxhetor afat-mesem (PBA) 2025-2027
DREJTORIA PËRGJEGJËSE	Drejtoria e Pergjithshme e Kujdesit Social, Arsimit dhe Rinise, Sektori i Arsimit Parashkollor.
RAPORTIMI DHE MONITORIMI	Raportimi do te realizohet çdo fund viti per zbatimin e Planit dhe paraqitet çdo fund Janari ne Keshillin Bashkiak.
IMPAKTI SOCIAL DHE GRUPET QË PREKEN	Plani është shtrirë në të gjitha kopshtet nën juridiksionin e Bashkisë Elbasan, me qëllim përmirësimin e shërbimit arsimor parashkollor për të gjithë fëmijët në të gjithë territorin e Bashkisë Elbasan.
KONSULTIMI PUBLIK	Ky projekt vendim kërkon konsultim publik sipas nenit 17 te ligjit 139/2015, të Rregullores së Këshillit. Eshte marre vendimi i Kryesise per kalimin ne konsultim publik te projektaktit. Eshte hartuar dhe publikuar ne faqen e internetit te Bashkise Elbasan, njoftimi dhe kalendari per degjasat publike. Jane realizuar gjithsej 2 degjesa me publikun ku kane marre pjese 78 persona. Jane mbajtur procesverbalet e takimeve dhe kane dale rekomandimet per konsultimin publik te cilat jane permbledhur dhe i jane derguar Kryetarit te Bashkise per reflektim.

Komisioni i Përhershëm i Arsimit i mbledhur më datën 25 Prill 2024 pasi shqyrtoi Projekt-vendimin për miratimin e Planit të Përmirësimit të Arsimit Parashkollor, relacionin dhe dokumentat shoqërues të tij, paraqitur nga Kryetari i Bashkisë

Komisioni me shumicë votash,

VENDOSI:

1. Ti propozojë Këshillit Bashkiak:
 - a. Miratimin e projektaktit

Bashkëlidhur argumentat e Vendimarrjes dhe mendimi i pakicës i parqitur në procesverbalin e Komisionit.



REPUBLIKA E SHQIPËRISË
BASHKIA ELBASAN
KESHILLI BASHKIAK
KOMISIONI I ARSIMIT

Kryetari i Komisionit: Altin MEÇJA

Nenkryetar i Komisionit: Ali MYSLIU

Sekretare e Komisionit: Eligerta BARDHI

Anetar: Afrim QOSJA

Anetar: Shpetim LLAUSHI

Anetar: Valbona BALLIU

Anetar: Armonela MARKU

Elbasan më: 25.04.2024